



Ein schönes Tractätlin/in welchem etliche schöne vnd lustige Particular Stücklein begriffen sind.

### Ein köstlicher Fluß.

**N**imb zwey Pfund Weinstein/2. Pfund Saliter/vnd geflossen Sals 1. Pfund/& \* acht Loth/⊕ 8. Loth/Thue es in einen nassen Hader/vnd leg es in einen Hafen/darinnen lebendiger Kalch ist/vnden vnd oben/vnd neben dem Hader/in Summa/das der Hader wol bedeckt sey mit der Materij/vnden vnd oben/vnd auff den seiten mit Calce viua. Also setz es in das Cementfeyr/zwo oder drey stund/damit es wol durchglühe/Dann solviers auff mit einer Laugen/oder sonst mit Wasser/vnd filtriers gar rein/vnd coaguliers auff linder Berme in einer Glashalen. Darnach seuds wider in gutem Salalcali, vnd wann es ein mahl ist enngesotten/so seuds widerumb mit einem Salalcali. Das thue vier oder fünff mahl/dan je öfter je besser. Darnach nimb den Fluß/vnd den Präcipitat/oder was du wilt/in einem Tigel/vnnd Schmelzglas oben darauff zwey Finger dick/laß fließen drey stund/So felle ein geschmeidiger König. Des Fluß ein theil/des flüchtigen Purras oder ♀ anderthalb theil löse auff mit einer Essentia Vini,vnd wider coaguliert/ist noch besser.

### Sulphur zu figieren.

**N**imb Sulphur vnd Kalch viuum, Ana, reibs durch einander/thue es in ein eisene Pfannen/rühre es wol durch einander ob einer Glut/bis es glühend werde/dan geuß es in ein siedend heiß Wasser/so löset sichs auff/das filtriere gar reine/vnd coaguliers. R      Laß